



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱՋ

ՀՐԱՄԱՆ № 27-Լ

«07» 05 2026 թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱՋԻ 2015 ԹՎԱԿԱՆԻ
ՀՈՒԼԻՍԻ 19-Ի N 38 ՀՐԱՄԱՆՈՒՄ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

Հիմք ընդունելով Հայաստանի Հանրապետության գլխավոր դատախազի՝ «Հայաստանի Հանրապետության գլխավոր դատախազի 2018 թվականի ապրիլի 11-ի N 31 հրամանում լրացում կատարելու մասին» 2026 թվականի ապրիլի 10-ի N 16-Լ հրամանը, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 2-րդ մասի 7-րդ կետով և 30-րդ հոդվածի 3-րդ մասով՝

Հ ր ա մ ա յ ու մ ե մ՝

1. Հայաստանի Հանրապետության գլխավոր դատախազի՝ ««Հայաստանի Հանրապետության դատախազություն» և «Դատախազության պատվավոր աշխատող» կրծքանշանների, «Իրավակարգի ամրապնդման համար» և «Համագործակցության ամրապնդման համար» մեդալների նկարագրությունն ու ձևերը, դրանց վկայականների ձևերը, ինչպես նաև խրախուսման ներկայացնելու միջնորդության և շնորհակալագրի ձևերը հաստատելու մասին» 2015 թվականի հուլիսի 19-ի N 38 հրամանը լրացնել նոր՝ հավելված 5.1-ով՝ հետևյալ բովանդակությամբ.

Հաստատված է
Հայաստանի Հանրապետության
գլխավոր դատախազի 2026 թվականի
մայիսի -ի թիվ հրամանով


**Հայաստանի Հանրապետության դատախազության գլխավոր քարտուղարի կողմից
«Հայաստանի Հանրապետության դատախազություն» կրծքանշանով պարգևատրելու
դեպքում տրվող վկայականի ձևը**

<p>(կրծքանշանի պատկերը)</p>	<p>ՀՀ ԴԱՏԱԽԱԶՈՒԹՅԱՆ ԳԼԽԱՎՈՐ ՔԱՐՏՈՒՂԱՐԻ</p>
	<p>_____ թ. _____ (ամիս, ամսաթիվ) թիվ _____ հրամանով</p>
	<p>անուն</p> <hr/> <p>հայրանուն</p> <hr/> <p>ազգանուն</p>
<p>պարգևատրված է «ՀՀ ԴԱՏԱԽԱԶՈՒԹՅՈՒՆ» կրծքանշանով</p>	<p>ՀՀ դատախազության գլխավոր քարտուղար</p> <p>_____ (անուն, ազգանուն, ստորագրություն և կնիք)</p>

2. Սույն հրամանն ուժի մեջ է մտնում հրապարակմանը հաջորդող օրվանից:

3. Սույն հրամանի կատարման վերահսկողությունն իրականացնում է Հայաստանի Հանրապետության գլխավոր դատախազը:

4. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին, Երևան քաղաքի, Երևան քաղաքի վարչական շրջանների և մարզերի դատախազներին, Հայաստանի Հանրապետության զինվորական կենտրոնական դատախազության բաժինների պետերին ու ավագ դատախազներին, կայազորների զինվորական դատախազներին, Հայաստանի Հանրապետության դատախազության գլխավոր քարտուղարին և տեղակալներին, Հայաստանի Հանրապետության գլխավոր դատախազի խորհրդականներին ու օգնականներին:


Ա.ՎԱՐԴԱՊԵՏՅԱՆ